



## **Ilanngussaq I:**

### **Tamatigoortoq:**

Pinngortitaleriffik 2024-p aallartisimalaarnerani Qeqqata Kommunianni aqutsiveqarfinni Maniitsoq-mi aamma Sisimiut-ni qulimiguulimmik tutunuk aamma umimmannik kisitsernemi ingerlataqarpoq. Kisitsinerup takutippaa Maniitsup aqutsiveqarfiani umimmaat angutivissat arnavissallu inersimasut amerlasuusut, kisianni norraat ataatsimut isigalugu amerlavallaanngitsut. Taamaammat kulavaat norrallit piniarneqartannginnissaat ingerlateqqiinnerneqarpoq. Maniitsup aqutsiveqarfiani umimmaat amerlassusaat 2018-imut sanilliullugu allannguuteqarpiannikkaluarpog. Sisimiut aqutsiveqarfiani umimmaat suaassutsimikkut utoqqaassutsimikkullu inissisimanerat pissusissamitut ippoq, tassanimi imatut sakkortutigisumik piniarneqartarsimanngimmata.

### **Tuttut:**

*Tunngavilersuutit:* Aasaanerani aamma ukiaanerani 2024-mi Piniarfimmi 2-mi (Sisimiut-Kangerlussuaq), Piniarfik 3-mi (Akia-Maniitsoq) aamma Piniarfik 4-mi (Ameralik) qaammatini pingasuni killeqanngitsumik sunngiffimmi tutunniartoqareerpoq taamatullu qaammatini tallimani killeqanngitsumik inuussutissarsiutigalugu tutunniartoqareerluni. Pinngortitaleriffik naapertorlugu piniarfinni pineqartuni tutut amerlavallaalersimapput tamannalu pillugu ikilisaasoqartariaqarluni. Piniarfinni sinnerini ikinnerusunik tuttoqarfiusut qaammatini marlunni killeqanngitsumik sunngiffimmi tutunniartoqareerpoq taamatullu qaammatini pingajuat qiteqqullugu killeqanngitsumik inuussutissarsiutigalugu tutunniartoqareerluni. Taamaammat ukiuunerani tutunniarnissamut immikkut ittumik tunngavissaqanngilaq.

APN-ip kommunit qanimut suleqatigalugit akuersissutinik utertitsisarneq malinnaaffigivaa, utertinneqartannginnerat taamatullu pisanik nalunaaruteqartannginneq piniartunut ataasiakkaanut akuersissutinik qinnuteqarsinnaanissamut ukiuni aggersuni kinguneqassaaq. Erseqqissaatigineqarpoq qamuterallannik, ATV-nik kiisalu qamutinik motoorilinnik allanik atuinnermi kommunimi ileqqoreqqusat malinneqassasut, tutunillu malersuinnermi piniarnermilu atornissaat inerteqqutaammat. Assartuutit motoorillit tutunut minnerpaamik 500 meterinik ungasissuseqassapput.

### **Umimmaat:**

*Tunngavilersuutit:* Aqutsiveqarfik Ivittuuni: Ukiuni kingullerni umimmannik inunnik aalajangersimasunit ikinnerpaaffiliinikkut kisitsisoqartarnera tunngavigalugu ukiuunerani 2025-mi umimmanniartoqassanngilaq. Ivittuuni umimmaat maannakkut amerlavallaannginnerat tunngavigineqarpoq.

Aqutsiveqarfik Sisimiut-ni: Aasaanerani aamma ukiaanerani umimMattassat misilittakkat tunngavigalugit tamakkerneqartanngillat, taamaammat ukiuunerani killilimmik umimmanniarnissamut pisassiisoqarpoq.

Aqutsiveqarfik Kangaatsiaq-mi: Aasaanerani aamma ukiaanerani Sisimiut aqutsiveqarfiani umimMattassat misilittakkat tunngavigalugit tamakkerneqartanngillat, taamaammat ukiuunerani killilimmik umimmanniarnissamut pisassiisoqarpoq.

Aqutsiveqarfik Maniitsoq-mi: Aqutsiveqarfik Maniitsoq-mi umimmaat 2018-mi ukiuunerani umimmanniartoqaaqqammersimatillugu qulimiguulimmiit kisinneqarput. Kisitsineq marsimi ingerlanneqartoq malillugu umimmaat siornamut naleqqiullugu immamiit uuttorlugu qatsinnerusunik takuneqartarput (agguaqatigiissillugu 700 meterinik qatsinnerusunik), sumiiffiillu pineqartut neriniarfittut pitsaannginnerusunut nalilerneqarput. Umimmannik

akornusiinnginnerunissaq siunertaralugu Pinngortitaleriffiup inassutigaa aqutsiveqarfimmi assartuutini motorilinnik atuineq minnerpaaffimmiinneqassasoq.

Piniarfik 2-mi immikkut aamma taamaattoqartartoq ikinnerpaaffiliinikkut kisitsinerni paasineqareerpoq. Piniarfik 2-mi, Piniarfik 3-mi aamma Piniarfik 4-mi kulavaat ilumioqartut akuttusigaluttuinnartut piniartut aamma nakkutilliisut ukiuni kingullerni oqariutuutigaat. Kulavaat ilumioqartut taamatullu norraat amerliseqqinnissaat siunertaralugu Pinngortitaleriffiup inassutigaa Piniarfik 4-mi ukiuunerani umimmanniartoqassanngitsoq, tamannalu APN-imit taperseerpoq.

Piniartut atuisullu ilisimasaat malillugit aqutsiveqarfimmi pineqartumi umimmaat ukiuni kingullerni takuneqartartut ikiliartorput, tamannalu ukiuunerani umimmanniarnerup assartuutit motorillit atuiffiusup umimmaqatigiinnut ajortunik kinguneqartarneranut takussutissaavoq. Tamanna aamma marsimi 2018-imi qulimiguulimmik kisitsisoqarnerani paasineqarpoq, taamani nunaminertani assartuutini motorilinnik ingerlaarfigineqarsimasuni umimmannik takussaasoqanngilaq.

Piniartut atuisullu Kangerlussuarmeersut ilisimasaat malillugit ukiuni kingullerni pisarnermut naleqqiullugu nittaannerujussuusarpoq, tamannalu pillugu pingaartumik ukiuulernerani 2023-mi nunaminertarujussuit sermeqartiterlutik uumasullu taamaallutik pisarnertut neriniarsinnaasimanatik. Tamanna kulavaat ilumioqartut ukiuni kingullerni akuttusigaluttuinnarnerannut peqqutaataasimasinnaavoq.